

四句據一成之中三百縣方二十里四縣  
此通四旁而以四為成  
為郡都方四十里四都方八十里旁加十  
里乃得方百里為一同積萬井九萬夫其  
中六千四百井五萬六千七百夫出田稅  
三十六百井三萬二千四百夫治澮井田

之法備於一同今止於都者來地食者皆  
四之一其制三等百里之國凡四都一都  
稅入於王五十里之國凡四縣一縣稅入  
於王二十五里之國凡四甸一甸稅入於  
王也司馬法田六尺為步百為畝畝百

為夫夫三為屋屋三為井井十為通據一  
由一里一畝縱橫各十載通三十家通為  
為一行一行十井為一通通有九十夫言三十  
匹馬士一人徒二人家者官室余巷三分  
去一唯有一夫而地有不易一易再易  
之異通半三受六之地則六十夫地  
當止有三家使此馬通十為成成方十  
一匹士一人徒二人

里百井三百家車車一乘士十人徒二十  
人成十為終終千井三千家車車十乘士  
百人徒二百人終十為同同方百里萬井  
三萬家車車百乘士千人徒二十人同十  
為封封十萬井井三十萬家車車十乘士

萬人徒二萬人封十為畿畿方千里百萬  
井三百萬家車車萬乘士十萬人徒二十  
萬人魯頌公車千乘公徒三萬兼士而言  
也

易象圖說外篇卷下 畢  
玄元十子圖序  
雲士  
玄元十子筆墨高古且春路道通寓錢塘集  
眾絲刻之既成以摹本至稽首為之贊垂眺  
被素熙熙如春暉若十子親見聖人鄭圖漆  
圖年但人遠瞻之在前亦豈不見月星明浙  
上麗乎天有此眾妙方知又玄趙子神遊而  
寓之筆使張僧繇惘然若失虛堂淨几古鼎  
微煙醉容咫尺有聞其言大德乙巳孟冬嗣  
天師張與材書

趙人路雲溪以子昂集賢手圖十子刻本示  
江西姚雲曰請賦之嗟乎仙與不可傳者俱  
往矣此猶足存乎生民望治久矣庶幾往者  
之復來乎乃於謳成相以招之古之至人龍  
德天隱電車在湖莫襲其軫春行萬花疇搏  
其影示有十子芳郁綠素一水千月千牖二

宇崖然倜然言亦寓風御天縣形何故  
集仙之人覃思朱院筆有幻力截彼蓬苑仙  
聖毒之十子俱見神遊精行五嶽躡空恍兮  
冥兮墮阿堵中路子肅然如手貝路累金購  
工刻玉葉楮使千載人見此祭者大道之行

正一天師清微弟子 洪百堅 製作  
道教學術資訊網站

三五之英我武十亂有聞無聲可象可則於穆大炁大德不同人乃脊脊聖哲軌涂或削其跡倏譎變化飛躍無息天矜民艱日夢昂生不應象求來燕治明大德戊申上元日書玄元十子猶宣聖十哲也十哲從祀今昔所崇十子於吾門中則未之或究蓋自修文輔教之科鮮有習者故十子之學晦而隱否而塞方今真風暢遠玄俗還淳孔老通家道德同高集賢學士圖寫之教主真人讚揚之二妙並行十子之學彰彰有光矣南谷翁亦不負平生之志矣噫名山洞府珠宮琳觀無地無之安得通玄究微之士日講誦其間使諸學徒皆有所矜式而為道德之歸誠教門盛事愚庶幾見之毋徒觀言象而已全真門人路雲漢嘗以玄風慶會圖七真傳求著語茲復有請喜其術道心切勉為之書大德丙午立春日正一弟子三茅堂洒掃黃仲圭鎮仲稽首

往年平潮之役石翁獲從教主後見南谷老師袖玄元十子圖傳以獻教主不奪所好書

鮑尾而歸之後數年長春路明真壽諸梓於是四方學者隱然得之儀象之間路為余言汴梁孫大方真人昨遊錢塘摹本欲刻而未遂此版將歸志州太清以垂永久南谷之於宗陽也規制壯麗創玄元十子殿實與此圖相表裏盛哉道之將行也歟大德丁未六月甲子二十四巖道士黃石翁稽首書其後

正一天師清微弟子 洪百堅 製  
道教學術資訊網

關尹子



關尹子喜周大夫也老子西遊喜望見有紫氣浮關知真人當過候物色而述之果得老子老子亦知其奇為著書喜既得老子書亦自著書九篇名關尹子今陝州靈寶縣太初觀乃古函谷關候見老子處終南宗聖宮乃關尹故宅周穆王修其草樓改號樓觀建老子祠道觀之興實祖于此老子授經後西出大散關復會于成都青羊肆賜號文始先生即莊子所謂博大真人者也



文子姓辛名鉞一名計然葵丘濮上人也師事老子楚平王問曰聞子得道於老聃可得聞乎對曰道德臣邪以為正振亂以為治醇德復生天下安寧要在一人故積德成玉積怒成石堯舜以是昌桀紂以是殃王曰敬聞命矣後南遊吳越范蠡師之越欲伐吳蠡諫曰臣聞之師曰兵凶器戰逆德爭者事之末也陰謀逆德好用凶器試身於所未不可勾踐不聽敗於夫椒後位以上大夫弗就隱吳興餘英馬山相傳以為登雲而升按寰宇記吳興志俱載餘英東南三十里有計籌山越度地形因名馬今山陽白石頂通玄觀乃故隱處也其紫雲關升元觀即古常清觀宋乾道間改賜今額山之半有曰登雲石者在著文子十二篇唐封通玄真人書為通玄真經

庚桑子

卷十一

四



老子之役有庚桑楚者陳人也偏得老子之道居畏壘之山其臣之畫然知者去之其妾之潔然仁者遠之擁腫之與居鞅掌之為使居三年畏壘大壞後遊吳隱毗陵孟峯道成仙去後有漢輔光張天師唐張果老相繼隱修因號張公壇福地古建洞靈觀宋改天申萬壽宮著書九篇號庚桑子一名亢倉子唐封洞靈真人書為洞靈真經

南榮子



南榮楚見老子老子曰何與人偕來之眾也楚懼然顧其後老子曰子不知吾所謂乎楚俛而愁仰而歎曰今者吾忘吾答因失吾問老子曰何謂也曰不知乎人謂我朱愚知乎反愁我軀不仁則害人仁則反愁我身不義


則傷彼義則反愁我已我安逃此而可老子曰能抱一乎能勿失乎能舍諸人而求諸己乎能憮然乎能侗然乎能兒子乎兒子動不知所為行不知所之身若槁木之枝而心若死灰若是者福亦不至禍亦不來禍福無有惡有人災初楚師庚桑子子曰吾才小不足以化子子胡不南見老子故楚見老子曰願因楚而問之

尹文子



尹文者學老子之道作華山之冠以自表其為道不累於俗不飾於物願天下之安寧生治民命人我之養畢足而止見侮不辱採民之闕禁攻寢兵抹世之戰以此周行天下上說下教不忘天下者也其書二篇曰尹文子

士成子



士成綺周隱君子也百舍重趺而見老子曰  
 吾聞天子聖人也吾固不亂遠道而來敢問  
 修身老子曰夫道於大不終於小不遺廣乎  
 其無不容也淵乎其不可測也夫至人極物  
 之真能守其本故外天地遺萬物而神未嘗  
 困也士成綺有得焉

崔瞿子



崔瞿者周之賢大夫也問於老子曰不治天  
 下安藏人心老子曰女慎無擾人心人心排  
 下而進上上下下囚殺其熱焦火其寒凝冰其  
 疾俯仰之間而再撫四海之外其居也淵而

靜其動也躁而天債驕而不可繫者其唯人

心手昔者黃帝始以仁義擾人心施及三王  
 而天下大駭矣於是乎喜怒相疑愚知相欺  
 善不相非誕信相譏而天下衰矣大德不同  
 而性命爛漫矣天下好知而百姓求竭矣於  
 是乎斲鋸制馬繩墨殺馬椎鑿決馬天下春  
 脊大亂罪在擾人心蓋老子憤德下衰因崔  
 瞿之問而警世云

柏矩子




柏矩周之卿士學於老子遊齊見辜人馬解  
 朝服而幕之號天而哭之曰子乎子乎天下  
 有大災子獨先離之曰莫為盜莫為殺人榮  
 辱立然後睹所病貨財聚然後睹所爭窮困  
 人之身使無休時欲無至此得乎古之君天

下者以得為在民以失為在己以正為在民

以枉為在己故一物有失其形者退而自責  
 今則不然匿為物而愚不識大為難而罪不  
 敢重為任而罰不勝遠其途而誅不至民知  
 力竭則以偽繼之曰出多偽士民安取不偽  
 夫力不足則偽知不足則欺財不足則盜盜  
 竊之行於誰責而可乎柏矩之言得於老子  
 為多

列子



列子姓列名禦寇鄭人也居鄭圃四十年人  
 無識者初事壺丘子後師老商氏友伯高子  
 進二子之道九年而後能御風而行弟子嚴  
 恢問曰所為問道者為富乎列子曰桀紂唯  
 輕道而重利是以亡其書凡八篇列子蓋有

道之士而莊子與稱之今汴梁鄭州圖田列  
子觀即其故隱唐封冲虛至德真人書為冲  
虛至德真經

莊子



莊子宋人也名周字子休生睢陽蒙縣嘗為  
蒙漆園吏學無所不窺要本歸於老子之言  
故其著書十餘萬言大抵率寓言也其言汪  
洋自恣以適已故自王公大人不能器之楚  
威王聞周賢使使厚幣迎之許以為相周笑  
謂使者千金重利卿相尊位也子獨不見郊  
祭之犧牛乎養食之數歲衣以文繡以入太  
廟當是之時欲為狐豚其可得乎子亟去無  
汙我寧遊戲汙瀆之中自快無為有國者  
所羈終身不仕以快吾志焉唐封南華真人

書為南華真經

南谷先生杜尊師子自兒時識之居昇元  
觀來十年昇元蓋文子舊隱其地常有光  
怪亦仙靈所栖勝處也師屬子作老子及  
十子像併采諸家之言為列傳十一傳見  
之所以明老子之道如此將藏諸名山以  
貽後人子謂茲事不可以辭乃神交千古  
彷彿此卷用成斯美師名道堅南谷其自  
號云至元二十三年元日吳興趙孟頫記  
道無定體聖無定名惟無定故變化無方  
而有不可知也洪惟  
先天道祖大聖老君象帝之先而吾不知  
誰之子可為天下母而吾不知其名是故  
世人知有始有形之老子而不知元始无  
形之老子又何知未始无始未始无形之  
老子乎嘗謂老子歷商周九百餘年當時  
親見猶龍如關尹子者豈特十子而已哉  
必有不可知者存集賢學士趙子昂本其  
有書有言者作玄聖十子像將使學者瞻  
其像誦其言而求為聖人之徒是誠在我

詩云執柯伐柯其則不遠大德丙午元日  
教門後學當塗杜道堅稽首恭書

玄元十子圖